

TOMKE®

Jierferslach 2014

Jiergong 18

Tema 'ik bin Tomke'



Ynhâldsopjefte

Foaropwurd	3
1. Algemiene ynformaasje oer de doelstelling en organisaasje fan it Tomke-projekt	4
Wa is Tomke? Wat is it Tomke-projekt?	4
Materialen foar pjutten en opfieders	4
Ynformaasje foar professionals	4
Organisaasje fan it Tomke-projekt	5
Finansiering	5
<hr/>	
2. Ferslach oer de aktiviteiten sa't dy konkreet yn 2014 plakfûn hawwe	6
Tema 'ik bin Tomke'	6
Aktiviteiten foar en mei pjutten	6
Ynformaasje foarsjenning en materialen foar professionals	8
Materialen foar pjutten en opfieders	9
<hr/>	
3. Leden fan de Tomke-wurkgroep 2014	10
<hr/>	
4. Tomke finansjeel ferslach 2014	11
<hr/>	
Taheakke 1 Oersjoch fan de partisipearjende organisaasjes	12

Foaropwurd

Sûnt 1996 wurdt mei it Tomke-projekt wurke oan taal- en lêsbefoarding yn Fryslân. Doel is de Frysktalige lêskultuer dy't bern yn de ierskoalske leeftyd omjout, te befoarderjen. Mei help fan it Tomke-projekt krije âlders en oare opfieders aktueel en oansprekkend Frysk materiaal yn hannen, in wichtige betingst as it giet om it ta stân bringen fan in meartalige omjouwing. Uteinlik sil dit de taalûntwikkeling en it lêsgedrach fan de bern stimulearje, sawol yn it Frysk as yn it Nederlânsk.

Ut it Tomke-ynventarisasjearjendfersyk (Nynke Anna Varkevisser, 2014, Afûk) ûnder 162 bernsintra yn Fryslân, docht bliken dat Tomke by 88,2% fan de liedsters (tige) bekend en werkenber is. Op 86,6% fan de pjutteboartersplakken en op 64,5% fan de bernedeiferbliuwen wurdt gebrûk makke fan de Tomke materialen. De materialen wurde omskreaun as 'maklik ynsetber, leuk, kleurich, moai, feilich en likegoed geskikt foar jonkjes as foar famkes fan 2 o/m 4 jier'. De materialen wurde meastal yn groepsferbân brûkt, mar ek yn lytse groepkes of yndividueel.

De Tomke materialen foarsjogge dus yn in ferlet en wurde posityf wurdearre. Fuortsetting fan it projekt liket dan ek van krusiaal belang foar it ta stân bringen fan in oantreklike, meartalige omjouwing.

De Tomke-wurkgroep betanket alle subsydzjejouwers en elkenien dy't op hokker wize dan ek bydroegen hat, foar harren bydrage. Sûnder de grutte ynset fan ferskate organisaasjes en sûnder de finansjele stipe kin Tomke gjin avontoeren belibje en kin it Tomke-projekt net de needsaaklike hanfetten en ympulsen fersoargje dy't nedich binne foar in meartalige omjouwing.

Wy binne bliid om jo hjirby it ynhâldlik ferslach en de finansjele ferantwurdling oan te bieden.

De koördinatoaren fan it Tomke-projekt,

Gertrud Palstra (BSF)
Carolien ter Schuur (Afûk)



1. It Tomke-projekt

Wa is Tomke? Wat is it Tomke-projekt?

It Fryske Tomke foarlês- en taalstimulearringsprojekt, it Tomke-projekt, hat dizze namme om't alle materialen en aktiviteiten basearre binne op ferhalen oer de pjut Tomke. Tomke is in jonkje fan trije jier dat allegearre aventoeren belibbet mei syn hûntsje Romke, Kornelia de Kangaroo (mei har boekebûdel) en it buorfamke YanaYu. Se prate allegearre Frysk.

It Tomke-projekt rjochtet him op bern van 2 oant 4 jier en harren opfieders. It projekt wol âlden en liedsters fan pjutten ynformearje oer it brûken fan taal yn 'e omgong mei jonge bern. Foarlêze, ferskes sjonge, (taal)spultsjes en oandacht foar de deistige saken binne wichtich foar it lizzen fan in goede taalbasis. Dat jildt foar alle talen, dus ek foar it Frysk: bern dy't harren memmetaal goed behearskje, kinne makliker in oare taal leare. Ut ferskate wittenskiplike ûndersiken docht bliken dat lêsbefoarding in goede taalûntjouwing ta gefolch hat. In goede taalûntjouwing en meartaligens hawwe in geunstige ynfloed op de kognitive en sosjaal-emosjonele ûntwikkeling. Goede taalfeardigens hat ek in positive ynfloed op it súkses op skoalle.

It Tomke-projekt hat as doel de Frysktalige lêskultuer dy't bern yn de foar- en ierskoalske leeftyd omjout, te befoarderjen om úteinlik de taalûntwikkeling en it lêsgedrach fan de bern te stimulearjen, likegoed yn it Frysk as yn it Nederlânsk.

Materialen foar pjutten en opfieders

In wichtige opdracht foar it Tomke-projekt is it ûntwikkeljen en oanbieden fan Frysktalich materiaal dat yn in meartalige foarskoalske omjouwing brûkt wurde kin. Oer it generaal hawwe pjutteboartersplakken en bernedeiferbliuwen net in soad middels foar materiaal en (by)skoalling as it giet om it kreëarjen fan in Fryske taalomjouwing. It Tomke-projekt foarsjocht dêryn. Troch it (foar)lêzen yn de Fryske taal en it brûken fan eigentiidske materialen, wurdt in ferantwurde basis lein foar de taalûntwikkeling fan pjutten. Dat jildt net allinnich foar Frysktalige bern, ek by net Frysktalige bern hat bliken dien dat dizze oanpak goed wurket om op in noflikke wize yn 'e kunde te kommen mei de Fryske taal. It materiaal noeget út om fuort te brûken. Dat befoarderet de akseptaasje by it grutte publyk en it brûken dêrfan as middel foar taalûntwikkeling yn in meartalige omjouwing. De ferskate uterings, lykas it Tomke-boekje, de tv aventoeren en de Tomke-website, binne ynhâldlik op inoar ôfstimd. Dat befoarderet werkenning en makket de akseptaasje sterker.

Ynformaasje foar professionals

Foar liedsters, meiwurkers en oare professionals dy't harren dwaande hâlde mei it jonge bern binne der de jierlikse Tomke-ynspiraasjejûnen, de Tomke-nijsbrieven en de Tomke-webside 'www.tomke.nl'. De ynspiraasjejûnen binne ornearre foar it oerdragen

fan kennis. De Tomke-nijsbrief befettet ynformaasje oer aktiviteiten en nije materialen. Boppedat is ek de Tomke-webside in wichtige ynformaasjeboarne.

Organisaasje fan it Tomke-projekt

It Tomke-projekt wurdt struktureel folge en trochûntwikkele troch in gearwurkingsferbân fan ferskate organisaasjes, dy't der tiid, minsken en jild ynsteke. It projekt stiet ûnder tafersjoch fan it PLF (Platfoarm Lêsbefoarding Fryslân).

De algemiene projektkoördinaasje is in mienskiplike ferantwurdlikheid fan de Afûk en de Bibliotheekservice Fryslân. Dêrby hat de Bibliotheekservice Fryslân in algemiene koördinearjende taak, fersoarget de subsydze-oanfragen, it jierferslach en de finansjele ferantwurdling. Boppedat nimt BSF it inisjatyf foar it Tomke bibliotheekprogramma foar de biblioteken. De Afûk koördinearret de ûntwikkeling en produksje fan de materialen, ûnderhâldt de kontakten mei de ferskate doelgroepen en fertsjintwurdigers fan de ynstellings dy't by it Tomke-projekt belutsen binne, fersoarget de korrespondinsje en de notulen, hâldt de fuortgong yn de gaten en ynspirearret de minsken fan de wurkgroep. Foar de útfiering fan it projekt is in wurkgroep aktyf. Dizze wurkgroep komt 8 kear yn it jier byinoar en draacht yn grutte mate by ta in goede ôfstiming en kontinuïteit fan de ferskate aktiviteiten. De Tomke-wurkgroep bestiet út fertsjintwurdigers fan de partisipearjende

organisaasjes. De BSF leveret de foarsitter foar dizze wurkgroep, de Afûk fersoarget it sekretariaat. Troch de kontinuïteit yn de útfiering, wurdt it Tomke-projekt op hannen droegen – troch pjutten, âlden, pakes en beppes en liedsters fan de pjutteboartersplakken en bernedeiferbliuwen. Binnen it projekt wurde regelmjittich nije materialen ûntwikkele en beskiber steld foar pjutteboartersplakken, bernedeiferbliuwen, biblioteken en thús. Haadstik 3 jout in oersjoch fan de leden fan de wurkgroep. Taheakke 1 jout in oersjoch fan de partisipearjende organisaasjes.

Finansiering

Yn 2014 ûntfong it Tomke-projekt subsydze fan de Provinsje Fryslân en hast alle gemeenten yn Fryslân, te witten; Achtkarspelen, It Bildt, Dantumadiel, De Friese Meren, Dongeradiel, Ferwerderadiel, It Hearrenfean, Kollumerlân, Ljouwert, Ljouwerteradiel, Littenseradiel, Menameradiel, Opsterlân, Súdwest-Fryslân en Tytsjerksteradiel. By de oanfragen foar subsydze by gemeenten is de hichte fan it oanfrege bedrach basearre op it tal ynweners fan de oanbelangjende gemeente. Boppedat waard ek troch de Afûk, BSF, Omrop Fryslân en Partoer in finansjele bydrage levere. Yn haadstik 4 fine jo it finansjele ferslach en ferantwurdling oer 2014.

2. Ferslach fan it jier 2014

Tema 'Ik bin Tomke'

It tema foar 2013 wie 'Ik bin Tomke'. Dat betsjut dat de pjut sels as kapstok brûkt is foar de ferhalen yn de Tomke-boekjes en alle oare aktiviteiten.

Krekt as yn foargeande jierren binne der binnen it Tomke-projekt trije ynfalshoeken te ûnderskieden, dat binne aktiviteiten foar en mei pjutten, aktiviteiten foar en mei opfieders (âlders en professionals) en it ûnwikkeljen fan materiaal foar in meartalige omjouwing yn de foarskoalske perioade.

Aktiviteiten foar en mei pjutten

- De Fryske Foarlêswike
- Tomke yn de biblioteken;
 - Nationale Voorleesdagen
 - mei Tomke op de foto
- Tomke op 'e televyzje
- Foarstelling 'De Hutselfrutsel'
- 'Tomke-wrâld'
- 'Tomke-app'

De Fryske Foarlêswike

Begjin juny is het foarlêskboekje 'Ik bin Tomke' ferskynd. Dat boekje waard foarlêzen en fergees útdield tidens 'De Fryske Foarlêswike'. Yn de perioade fan 2 juny o/m 6 juny 2014 waard op 363 (2013-375) lokaasjes foar berneopfang of pjutteboartersplakken foarlêzen.

De measte lokaasjes hawwe mear as ien groep.

It foarlêzen barde yn 20 gemeenten, ferspraat oer 260 pjutteboartersplakken (2013-248) en 103 bernedeiferbliuwen (2013-127). Ek is der by 256 gastâlders (2013-57) foarlêzen. Meiïnoar is der oan 700 groepen pjutten foarlêzen (2013-680). Yn in protte gemeenten wie it resultaat 100% dat wol sizze dat alle boartersplakken en deiferbliuwen meidien hawwe. Yn 2014 is foarlêzen oan goed 12.400 (2013-12.500) pjutten, ynklusyf 600 (2013-500) 'ukken' yn de Stellingwerven. It Selskip foar Fryske Tael en Skriftekennisse organisearre it foarlêzen en it útdielen fan de Tomke-boekjes yn De Fryske Foarlêswike. Om it foarlêzen mooglik te meitsjen, wienen der mar leafst 500 entûsjaste foarlêzers aktyf (en 256 gastâlders). In team fan 50 kontaktpersoanen keppele per gemeente de foarlêzers oan de ferskate lokaasjes.

Tomke yn de biblioteken

Fan it begjin fan it Tomke-projekt ôf binne de Fryske biblioteken behelle by it Tomke-projekt. Tusken it geweldich grutte Nederlânsktalige oanbod fan de lanlike programma's hat Tomke yn de biblioteken syn eigen plakje fûn.

By ferskate aktiviteiten foar de foarskoalske perioade waarden Tomke-materialen brûkt en/of útdield.

Tidens de Nationale Voorleesdagen yn jannewaris 2014 koenen de pjutten mei harren âlders of pakes en beppes yn de bibliotek it boekje 'Tomke is fuort' ophelje. Der waarden mar leafst 3.050 útdielboekjes fergees ferspraat. Tidens dizze aksje waarden âlders ynformearre oer meartalich grutbringen en de mooglikheid bern o/m 16 jier fergees lid te meitsjen fan de bibliotek.

Tidens it Fertel & Foarlêsk Festival yn de earste twa wike fan juny 2014 organisearren alle bibliotheekklusters de aktiviteit 'Mei Tomke op de Foto'. Dêrfoar waarden libbensgrutte Tomke-kostúms mei in heech 'aaiberensgehalte' ynset. Sawol troch de bern as harren âlders waard dizze aktiviteit tige wurdearre. Der waard ek foarlêzen en de bern krigen it Tomke-boekje mei nei hûs.

Tomke op de televyzje

Foar de televyzje waarden 18 nije Tomke-ferhaaltsjes skreaun doch Riemkje Pitstra en Auck Peanstra. Luuk Klazenga fersoarge de yllustraasjes en de stimmen waarden ynsprutsen troch Tamara Schoppert en Douwe de Bildt. Feije van der Meer van Omrop Fryslân fersoarge de opnames en hie de einredaksje yn hannen. De nije Tomke-ôfleverings waarden útstjoerd yn en om De Fryske Foarlêswike hinne. Yn de rest fan it jier wienen alle wykeinen (Tomke-tiid) werhellings te sjen fan de Tomke-ôfleverings te sjen bij Omrop Fryslân. Dit is in programma foar pjutten mei Tomke yn de haadrol.

Foarstelling 'De Hutselfrutsel'

De foarstelling mei Tomke yn de haadrol slút oan by de wrâld sa't pjutten dy belibje. Yn de foarstelling wol Tomke in Hutselfrutsel foar syn jierdei hawwe. Kornelia wit wa't dat meitsje kin, de poppemakker. Underweis nei de poppemakker barre der fansels allegearre nuvere dingen. De foarstelling duorret likernôch 30 minuten en kin spile wurde yn boarterslokalen fan bernedeiferbliuwen, pjutteboartersplakken, bibliotheken ensfh. De bern wurde aktyf belutsen by it ferhaal. Yn 2014 is de foarstelling 76 kear spile.

Tomke-app

Geskikt foar de Ipad is de Tomke-app. Dizze is fergees te downloaden yn de Appstore fan Apple. De app is bedoeld foar pjutten en bestiet út Tomke-boekjes op rym. De bylden bewege en it ferhaal wurdt foarlêzen. Nei elts ferhaal kin it bern in spultsje dwaan.

Ynformaasje foarsjenning en materialen foar professionals

- Tomke-nijsbrief
- Tomke-ynspiraasjejûnen
- Website www.tomke.nl
- Tomke en de Sânglêsrige

Tomke-nijsbrief

De nijsbrief foar professionals ferskynde yn 2014 trije kear. De nijsbrief waard yn in oplage fan 1250 stiks ferstjoerd nei alle pjutteboartersplakken en bernsintra en de jeugdkonsulinten fan de biblioteken. De nijsbrief ynformearre harren oer aktiviteiten, nije materialen en oare saken oangeande Tomke en foarskoalske ûnderwerpen.

Tomke-ynspiraasjejûnen

De ynspiraasjejûnen binne in ûnderdiel fan de aktiviteiten fan de Tomke-wurkgroep. De einferantwurdlikheid foar de organisaasje wie yn hannen fan Stichting Partoer CMO Fryslân. De jûnen binne spesjaal bedoeld foar liedsters fan bernsintra en oare professionals. De jûnen stienen yn it teken fan it tema 'ik bin Tomke' en fûnen plak op 9 april yn Stiens (kultureel sintrum de Skalm) en op 16 april op It Hearrenfean (iepenbiere biblioteek).

It programma bestie út de folgjende ûnderdielen:

- Iepening mei meiwurking fan Truus de Witte mei in filosofyske ynlieding oer it belang fan ferskaat om te groeien ta in eigen identiteit.
- Ynformaasjemark.
- Muzikaal yntermezzo m.m.f. Jitske Draijer ynklusyf in

koarte ynlieding oer it belang fan sjonge en bewege yn de groep

- Trije workshops, dat wiene: 'kribelje mei Tomke' troch Corina de Boer, 'emoasjes fan pjutten' troch Tea Adema en 'fan wa bisto der ien' troch Japke Kornelis en Renie Jouta.

Alle dielnimmers krigen nei ôfrin in goodybag. De jûnen waarden posityf wurdearre en troch 56 professionals besocht. In 2015 sil de opset fan de 'ynspiraasjejûn' opnij besjoen wurde.

Website www.tomke.nl

De Tomke webside (ek te brûken op in tablet of Ipad) wurdt gemiddeld troch 750 unike besikers yn 'e moanne besocht. De webside bestiet út spultsjes en ferhalen foar de bern, ynformaasje foar âlders en professionals. De webside rjochtet har op taal- en lêsbefoarding. De webside wurdt kontinú by de tiid holden en de ynhâld fan bygelyks spultsjes, ferhalen, kleurplaten, wurkblêden en taalaktiviteiten wurdt geregeld oanpast oan ferskate tema's dy't passe by de tiid fan it jier en tema's dy't brûkt wurde op bernsintra. Fia de webside wurde digitale nijsbrieven ferstjoerd en is der nijs oer Tomke. Nij op de site wie it Tomke ferhaaltsje fan 'e wike en de Tomke lietsjes. Fia de Tomke-Facebookpagina krije rom 1100 fans regelmjittich nije berjochten fan Tomke.

Tomke en de Sânglêsrige

De Tomke-wurkgroep naam yn 2003 it inisjatyf om te kommen ta de útjefte fan Frysktalige temabrosjueres. Dêrút ûnstie de Sânglêsrige as totaalprogramma foar pjutteboartersplakken, mei omtinken foar taalûntwikkeling, motoryk en oare ûntwikkelingsgebieten. Der binnen no 13 temabrosjueres (foar bern fan 2 o/m 4

jier) beskiber mei oantreklik ferwurkingsmateriaal, in hantlieding en in dvd. De tema's komme ek werom op de Tomke-website. Yn 2014 is in saneamde suggestjemap gearstald, rjochte op 0 - 2 jierrigen. Dizze map mei suggestjes slút oan by de Sânglêsrige.

Materialen foar pjutten en opfieders

- Tomke-boekje 'Tomke is fuort'
- Tomke-boekje 'Sjonge mei Tomke'
- Tomke-boekje 'Ik bin Tomke'
- Tomke-dvd
- Tomke-poster
- Tomke-fertelkoffer
- Heit en Mem

Tomke-boekje 'Tomke is fuort'

Tidens de Nationale Voorleesdagen yn jannewaris 2014 waarden troch de biblioteken 3050 eksimplaren fan it boekje 'Tomke is fuort' fergees útdield oan de jongste biblioteekbesikers. It boekje bestie út in ferhaal, in opsiferske en in spultsje. Diskear wie Riemkje Pitstra de skriuwster, Luuk Klazenga fersoarge de yllustraasjes.

Tomke-boekje 'Sjonge mei Tomke'

By de rige Tomke boekjes binne nije ferskes makke. De ferskes stean op de webside en ek yn boppeneamd boekje. It boekje mei nije ferskes is nei de bernsintra stjoerd.



Tomke-boekje 'Ik bin Tomke'

Tidens De Fryske Foarlêswike is it Tomke-temaboekje útdield. It foarlêsbokje ferskynde yn in Frysktalige, Bildtse en Stellingwerfse ferzje mei fjouwer ferhaaltsjes en twa stripferhalen. Boppedat hie it foarlêsbokje wer in protte yllustraasjes, opsiferskes, lietsjes, spultsjes, in praatplaat en in kleurplaat. Der wie ek ynformaasje yn opnommen oer it Tomke-projekt, Fryske printeboeken en oare media. It 28 siden tellende boekje waard foarmjûn yn de karakteristike Tomke-styl troch Monique Vogelsang. Krekt as foarhinne soargen de skriuwsters Auck Peanstra en Riemkje Pitstra foar de ferhaaltsjes. Lietsjes en ferskes wienen fan Geartsje Douma, Riemke Pitstra en Mirjam de Wit. De yllustraasje waarden fersoarge troch Luuk Klazenga en Linda de Haan.

It Tomke-boekje ferskynde begjin juny en waard fergees distribuearre fia it netwurk fan de biblioteken en konsultaasjeburo's. It grutste part waard útdield troch de foarlêzers tidens De Fryske Foarlêswike. De oplage wie foar de Fryske ferzje 30.000 eksimplaren, 1.000 yn it Bildts en 1.000 yn it Stellingwerfs.

Dvd

Der is in dvd produsearre yn in oplage fan 100 stiks.
De dvd bestiet út 8 útstjoerings fan de 18 nije
tv-aventoerkes fan Tomke.

Tomke-poster

De Tomke-poster mei dêrop de yllustraasje fan de foarkant fan it Tomke-boekje, makke wer diel út fan it oanbod. Dit jier waarden de posters ek wer ophongen yn biblioteken, pjutteboartersplakken, berneopfang, wachtkeamers, konsultaasjeburo's, gemeentehuzen en buerthuzen.

Fertelkoffer

Yn 2009 hawwe de pjutteboartersplakken en bernedeiferbliuwen in Tomke-fertelkoffer mei allerhanne Tomke-materialen krigen. Lykas yn de foargeande jierren kaam der yn 2014 wer in oanfolling foar de koffer. Dat wienen de folgjende materialen:

- Tomke boekje 'At ik letter grut bin...'
- Twatalige Tomke poster
- Knuffel Romke (17 sm)
- In hantlieding (ferhaaltjes, ferskes, kleurplaten en -wurkblêden)

Heit en Mem

Heit en Mem is in twatalich (Frysk en Nederlânsk) tydskrift foar jongen âlders. Yn 2014 brocht de Afûk trije nûmers fan Heit & Mem út. Ien nûmmer (de lytse heit en mem) waard fia it Taaltaske verspraat, 2 (reguliere) nûmers waarden û.o. fia iepenbiere gebouwen, lykas biblioteken, oer de provinsje ferspraat. It blêd jout ek omtinken oan nije materialen en eftergrûnynformaasje oer it Tomke-projekt, dêrtroch kinne beide programma's inoar fersterkje.

3. Leden fan de Tomke-wurkgroep

Yn 2014 bestie de wurkgroep út de folgjende leden:

- Gertrud Palstra / Bibliotheekservice Fryslân, koördinaasje
- Carolien ter Schuur / Afûk, koördinaasje
- Lineke Kuiper / Afûk
- Riemkje Pitstra / ûnderwiiskundige
- Mirjam van der Hoek / SFBO
- Mieke Vos / Cedin
- Partoer CMO Fryslân
- Feije van der Meer / Omrop Fryslân



4. Tomke finansjeel ferslach 2014

	jierrekken 2014	begrutting 2014	jierrekken 2013
LESTEN			
Materiaal			
Tomke-boekjes, Frysk, Bildts & Stellingwerfs	14.853	15.500	15.044
Oare tomke-materialen	1.755	4.000	2.564
Eveneminten			
televyzje útstjoerings	33.640	57.500	33.024
Tomke-ynspiraasjejûnen	14.526	16.500	15.783
Distribúsje			
Kosten fan fersprieding	138	1.000	129
Kosten merkrecht	972		
Jierferslach	329	1.000	374
Organisaasje			
Burokosten / projektkoördinaasje Afûk	12.200	15.000	10.370
Ekstra oeren Afûk	3.730		6.020
Burokosten / projektkoördinaasje BSF	9.455	8.000	8.203
Finansjele begelieding	1.500	1.500	1.500
Unfersjoen	204		214
TOTAAL LESTEN	93.302	120.000	93.225
BATEN			
Subsydzjes			
Subsydzje Provinsje	25.000	25.000	24.990
Subsydzje Gemeenten	25.404	25.000	25.353
	50.404	50.000	50.343
Materiaal			
Ferkeap Tomke- materialen	1.727	3.000	1.525
Eveneminten			
Entree dielnimmers Tomke-ynspiraasjejûnen	963	1.000	1.523
Organisaasje			
Eigen bydrage dielnimmers	40.208	66.000	39.835
TOTAAL BATEN	93.302	120.000	93.225

Taheakke 1 Partisipearjende organisaasjes

Platfoarm Lêsbefoarding Fryslân (PLF)

It PLF is in oerkoepeljend orgaan yn de provinsje Fryslân, mei as doelstelling it stimulearjen fan ûnderlinge gearwurking. De kearntaak fan it PLF is it koördinearjen fan projekten foar taal- en lêsbefoarding. It PLF wol him ynsette foar in meartalich lêsklimaat yn de hiele provinsje en fungearret dêrby as oansprekpunt foar subsydzjeferlieners, polityk en beliedsmakkers. De lanlike Stichting Lezen – in wichtich pleitbesoarger foar de twadde rykstaal – nimt ek diel yn dit oerlisorgaan. Fan it PLF út wurde subsydzjeoanfragen yntsjinne en de fuortgong fan it Tomke-projekt yn 'e gaten holden. Bibliotheekservice Fryslân fersoarget it sekretariaat fan it PLF.



Afûk - www.afuk.nl


De Afûk hat as missy de Fryske Taal en Kultuer ticht by de minsken te bringen. Dêrfoar set de Afûk ferskillende middels yn, sa as: it oanbieden fan kursussen Frysk, it ûntwikkeljen en beskikber stellen fan Frysktalich materiaal en it (meiwurkjen oan it) organisearjen fan aktiviteiten wêrtroch de foardielen fan meartaligens yn it algemien en de kulturele wearde fan de Fryske taal yn it bysûnder ûnder de oandacht brocht wurde. Binnen it Tomke-projekt soarget de Afûk benammen foar it ûntwikkeljen en produsearjen fan materialen en it ûnderhâlden fan kontakten mei de doelgroepen en organisaasjes. Dizze wurkwize soarget foar effisjinsje en befoarderet de gearhing mei oare programma's.



Bibliotheekservice Fryslân - www.bfr1.nl

Bibliotheekservice Fryslân stipet as provinsjale serviceorganisaasje de Frykse biblioteken by it útfieren fan harren wurk troch it dwaan fan fasilitearre tsjinsten, it ûntwikkeljen en oanbieden fan nije produkten en tsjinsten en troch lanlike projekten op provinsjale en lokale skaal oer te setten. De BSF fiert in aktyf belied om it lêzen yn it Frysk te befoarderjen.

Binnen it Tomke-projekt hat de BSF benammen in koördinearjende rol. It finansjele part fan it Tomke-projekt (fersoargjen fan de jierferslaggen, subsydzjeoanfragen) binne by BSF ûnderbrocht. De Tomke-aktiviteiten foar de biblioteken wurde troch BSF opset en koördinearre. It ferfier fan de ferskate Tomke-boekjes nei de biblioteken wurdt ek troch BSF regele.



De gearwurkjende biblioteken yn Fryslân FBN – www.ontdekdebieb.nl

De provinsje telde yn it begjin fan 2014 seis

- 1 Noardeast Fryslân
- 2 Noardwest Fryslân
- 3 Mar en Fean
- 4 Midden-Fryslân
- 5 Súdeast Fryslân
- 6 Smellingerlân



Yn de rin fan 2014 binne de klusters Noardeast Fryslân en Noardwest Fryslân fusearre. De nije organisaasje yn dizze regio hat de namme Noard-Fryslân krigen.

Fan dizze organisaasjes út wurde de biblioteken (filialen), mediateken en lytse bybs oanstjoerd. Binnen it Tomke-projekt spilet it netwurk van biblioteken in rol by de distribúsje fan de Tomke-materialen, aksjes om Tomke hinne, it jaan fan ynformaasje oer meartalich opfieden oan âlders en fansels it beskikber stellen fan (foar)lêsmateriaal.

CEDIN Taalsintrum Frysk – www.cedin.nl

Taalsintrum Frysk is in ûnderdiel van Centrum voor Educatieve Diensten CEDIN. Hja hâlde har benammen dwaande mei meartalich taalbelied en stribje dêrby nei in lykwaardige posysje fan de Fryske taal. Binnen it Tomke-projekt tinkt CEDIN ûnder oare mei oer edukative aspekten fan it Tomke-barren.



Stichting Partoer CMO Fryslân – www.partoer.nl

As sintrum foar Maatschappelijke Ontwikkeling wurket partoer CMO Fryslân gear mei maatskiplike organisaasjes en oerheden oan in leefbere en feilige Fryske maatskippij. Binnen it Tomke-projekt fersoarget Partoer CMO de tariedings en útfiering fan it jierliks Tomke-symposium dat rjochte is op oerdracht fan kennis nei liedster en oare professionals.



Sintrum Frysktalige Berne-Opfang (SFBO)

It SFBO is it ynformaasje-, kennis- en stipepunt op it mêd fan meartaligens en taalstimulearring yn de foarskoalske perioade. De provinsje Fryslân stelt SFBO yn de gelegenheid om pjutteboartersplakken en bernedeiferbliuwen te stypje by it ûntwikkeljen fan in Frysk- of twatalich taalbelied.

It SFBO hat in permaninte fertsjintwurdiger yn de Tomke-wurkgroep. Har ynbring soarget der mei foar dat de ûnwikkele materialen goed oanslute by it ferlet fan de pedagogyske meiwurkers.



Omrop Fryslân – www.omropfryslan.nl

De regionale televyzje fersoarget nijs en ynformaasje út en oer Fryslân, makket eftergrûnprogramma's, ûnspanning en muzyk. Foar bern is der alle jûnen in spesjaal programma. Yn gearwurking mei CEDIN fersoarget Omrop Fryslân skoalleútstjoerings foar radio en televyzje. Binnen it Tomke-projekt foarsoarget de Omrop foar it ûntwikkeljen en útsjtoeren fan de Tomke-ôfleverings op televyzje.



Omrop Fryslân

Selskip foar Fryske Tael en Skriftekennisse

'It Selskip foar Fryske Tael en Skriftekennisse' stipet de Fryske taal en kultuer. Yn gearwurking mei de Tomke-wurkgroep wol it 'Selskip' it lêzen en it foarlêzen in stimulâns jaan. It soarget dat foarlêzers en boartersplakken mei elkoar yn kontakt brocht wurde. Foar de foarlêzers wurde foarlêskursussen organisearre. Alle jierren organisearret It Selskip tidens it FFFestival 'De Fryske Foarlêswike'. De foarlêswike is in gearwurkingsprojekt tusken It Selskip en it Tomke-projekt. It doel fan it projekt is om alle jierren yn dy wike foar te lêzen oan pjuttten op pjutteboartersplakken, bernedeiferbliuwen en biblioteken. De organisaasje fan it foarlêzen leit yn hannen fan It Selskip. De materialen (boekje, poster, pr-materiaal) wurde fersoarge troch it Tomke-projekt.



De Thússoarch-organisaasjes

De thússoarch-organisaasjes binne behelle by de soarch foar konsultaasjeburo's, begelieding, kontakten en kursussen. Hja binne der foar mem en bern. Binnen it Tomke-projekt spylje hja in rol yn it berikken fan jonge âlders troch distribúsje fan it Tomke-boekje.